

Broj: 03-02-1241/2021
Sarajevo, 02.12.2021. godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Priljeno: 03-12-2021			
Org. jed.	Broj	Priloga	Vrijednost
01-	02-	2042	121

PARLAMENT FEDERACIJE
BOSNE I HERCEGOVINE

- Predstavnički dom -
gosp. Mirsad Zaimović, predsjedavajući ✓

PREDMET: Mišljenje Vlade Federacije Bosne i Hercegovine

Poštovani,

U skladu sa članom IV.B.3.7.c) (III) Ustava Federacije Bosne i Hercegovine, a u vezi sa članom 172. Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, br. 69/07, 2/08 i 26/20), u prilogu Vam dostavljam **Mišljenje o Prijedlogu zakona o izmjeni Zakona o poljoprivrednom zemljištu Federacije Bosne i Hercegovine - skraćeni postupak, čiji je predlagač Irfan Čengiđ, poslanik u Predstavničkom domu Parlamenta Federacije BiH**, a koje je Vlada Federacije Bosne i Hercegovine utvrdila na 293. sjednici, održanoj 02.12.2021. godine.

Mišljenje se dostavlja na službenim jezicima i pismima Federacije Bosne i Hercegovine.

S poštovanjem,



Prilog: kao u tekstu na bosanskom jeziku

**Cc: Federalno ministarstvo poljoprivrede, vodoprivrede i šumarstva
gosp. Šemsudin Dedić, ministar**

Na osnovu člana 51. Poslovnika o radu Vlade Federacije Bosne i Hercegovine - Prečišćeni tekst - („Službene novine Federacije BiH“, br. 6/10, 37/10, 62/10, 39/20 i 67/21), a u vezi sa članom 172. Poslovnika Predstavničkog doma Parlamenta Federacije BiH („Službene novine Federacije BiH“, br. 69/07, 2/08 i 26/20), nakon razmatranja Prijedloga zakona o izmjeni Zakona o poljoprivrednom zemljištu Federacije Bosne i Hercegovine - skraćeni postupak, čiji je predlagач Irfan Čengić, poslanik u Predstavničkom domu Parlamenta Federacije BiH, Vlada Federacije Bosne i Hercegovine je, na 293. sjednici održanoj 02.12.2021. godine, utvrdila sljedeće

MIŠLJENJE

Parlament Federacije Bosne i Hercegovine je 10.08.2009. godine usvojio Zakon o poljoprivrednom zemljištu ("Službene novine Federacije BiH", broj 52/09), u kojem su utvrđene: definicije, osnovni principi, upravljanje, zaštita, korištenje, uređenje, raspolaganje, evidencije, nadzor nad provođenjem ovog Zakona, krivične odredbe, prijelazne i završne odredbe, kao i ostala značajna pitanja koja se odnose na poljoprivredno zemljište na teritoriji Federacije Bosne i Hercegovine.

Zemljište je općenito najveće blago svakog naroda. Ono je ograničeno dobro, ne može se umnožavati, vrlo sporo nastaje, a brzo se može pogoršati i uništiti, ako se njime neracionalno i nepravilno gospodari. Prirodni značaj tla/zemljišta definiše ovaj resurs kao izrazito osjetljiv medij o kome se mora voditi stalna briga i kojim se mora planski gospodariti. Osim toga, svjedoci smo da se na štetu poljoprivrednog zemljišta u zadnje vrijeme podižu gradovi, saobraćajnice, aerodromi, luke, sportski objekti i dr., te se ono iz dana u dan sve više smanjuje, kako u svijetu tako i u Bosni i Hercegovini odnosno Federaciji BiH. Bosna i Hercegovina ima relativno malo poljoprivrednih proizvodnih površina i zato je na državnim, federalnim, kantonalnim, gradskim i općinskim tijelima vlasti velika odgovornost da njime racionalno i pravilno gospodare. Poznavanje zemljišnih resursa bitan je preduslov za planiranje načina korištenja zemljišta i zauzima ključno mjesto u strategiji razvoja svake države. Dakle, mjere zemljišne politike čine skup mjera kojima se utiče na pravilno i racionalno gospodarenje poljoprivrednim zemljištem kao dobrom od interesa za Federaciju BiH u skladu s važećim propisima i uz sistemsku zaštitu okoliša.

Kako se ovaj predmetni Zakon implementira već desetak godina, uočeno je da su se tokom implementacije odredbi ovog Zakona javili određeni problemi i nejasnoće kao i neusklađenost sprovođenja propisa između kantonalnih i općinskih organa uprave.

Iz tog razloga pokrenuta je inicijativa od strane Federalnog ministarstva poljoprivrede, vodoprivrede i šumarstava za izradu prednacrt zakona o izmjenama i dopunama Zakona o poljoprivrednom zemljištu tako što je formirana radna grupa i rad na tim aktivnostima je u toku.

Nakon što radna grupa prikupi sva relevantna mišljenja dostavljena od resornih kantonalnih ministarstava kao i drugih organa uprave koji se bave problematikom poljoprivrednog zemljišta, pristupit će se finalnoj izradi prednacrtu zakona o izmjenama i dopunama Zakona o poljoprivrednom zemljištu koji će biti upućen u parlamentarnu proceduru na usvajanje.

Federalno ministarstvo poljoprivrede, vodoprivrede i šumarstava je već uzelo u razmatranje dostavljeni prijedlog poslanika Irfana Čengića koji se odnosi na primjenu odredbi Poglavlja VII. **Raspolaganje poljoprivrednog zemljišta, 1. Promet, član 100.**, u kojem su propisane zakonske odredbe za prodaju državnog poljoprivrednog zemljišta. Obzirom da se odredbe člana 100. stav (2) primjenjuju samo u izuzetnim slučajevima, stav Federalnog ministarstva poljoprivrede, vodoprivrede i šumarstva je da se zadrže odredbe iz stava (2) pomenutog člana, ali uz dodatak „uz saglasnost Parlamentarne skupštine Bosne i Hercegovine“. Brisanjem pomenutog stava možemo dovesti u pitanje realizaciju kapitalnih projekata koji su od vitalne važnosti za Federaciju Bosne i Hercegovine.

V. broj: 1111 /2021
02.12.2021. godine
Sarajevo



PREMIJER

Fadil Novalić
Fadil Novalić